

靈寶元量度人上品妙經卷之六

天六

太一神變五福護國懷兵品

道言昔於始青天中碧落空歌大浮黎土受元始度人太一神變妙品元始天尊嘗說是經周迴十過以名十方始當詣座天真大神上聖高尊妙行真人三元太一真君九官八史靈圖玉局大神無執數眾乘空而來九光泛駕紫霄薦正綠煙裏香丹鳳雲與班龍寶輦雕輪層蓋注玉凝輝縹緲爭華仙雲呈麗洞照八極九日九夜諸天神獄靜布靈風蕩除纖翳廓清區海澄覽太和一國地土山川林木芳潤等齊碧霞回窈窕虛妙光同色眾真侍座元始天尊玄坐空浮至京金景八風浮臺雲珠寶構曲長萬龍天德之座說經一編諸天大聖同時稱善是時混沌營胎自無成有說經二編太一稟生狀如蓮的說經三編舍華吐靈真氣流虹說經四編九色雲芽逆勾為甲說經五編太一居中外羅八景說經六編玄液同滋元氣內輔說經七編天嬰七竅開爽能聲說經八編人物出胎太

一仰視說經九編太一試步九官旋行說經十編身御錦衣手持玉式是時一國是男是女欣觀天尊演示太一神變道機元宗降福度人冥信歸誠皆受濟護咸得長生道言是時元始天尊說經一編東方三元太

一慶生真君至真大神無執之眾浮空而至說經二編南方三元太一廣明真君至真大神無執之眾浮空而至說經三編西方三元太一神虎真君至真大神無執之眾浮空而至說經四編北方三元太一隱道真君至真大神無執之眾浮空而至說經五編東北三元太一鬼策真君至真大神無執之眾浮空而至說經六編東南三元太一本生真君至真大神無執之眾浮空而至說經七編西南三元太一坤母真君至真大神無執之眾浮空而至說經八編西北三元太一大老真君至真大神無執之眾浮空而至說經九編上方三元太一天吟真君至真大神無執之眾浮空而至說經十編下方三元太一地齒真君至真大神無執之眾浮空而至十編周竟

十方三元太一真君無執之眾一時同至一國男女傾心歸仰來者皆從上元九官太一真君中元九官太一真君下元九官太一真君三元每官太一各變三官於其三官又變九官九官之內每官九官九九各變八十一

官太一居中十方太一垂光度人是諸天人咸詣元始瞻聽大法眾不可計侍從三元太一真君雲填海赴滿餘一國聖地震動觀闕傾搖晃耀無極不可禁止於是元始不起于座上攀玉綱手把大魁忽從空落天人遠矚華蓋燦然萬寶繁結惟見斗口元魁墜空六炳昭列碧影之間圓映金色熠熠吐霞如大火聚其中有太上真君金林玉帳紫繡錦裙項負九色手持星珠瑩煥瓊都天尊顧視天人宣告無執乃曰三元九官太一真君各乘官室神變福祥在人身中號中黃太一宴處玄丹今作神變降道元魁遐想玉城未逾方寸我以神力无量度人太一變身同我說法於是元始登引天真大神上聖高尊妙行真人十方無極三元太一真君至真大神無執

數眾俱入元魁之中天人仰看惟見勃勃從魁星中入既入星官不知所在國人靡敢地還平正無復敢震元始即於星官之內說經都竟眾真監度以授於我當此之時喜慶難言法事粗悉諸天復位修歛之間寂無遺響是時天人遇值經法普得濟度太一神變隨運降福全其本年不有害傷傾土歸仰咸悟道心無難無兵無饑無病無暴無天無變無刑無畏無驚言符休應口鏡善聲齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是三元太一內名隱韻之音亦是九宮內諱百靈之隱名也非世上之常辭上聖已成真人道玄究微能悉其章誦之十過太一下觀三元鼓節天輪錯單地局界金日月合璧星宿連珠河漢揚清山嶽巖峙靈風蕩蕩萬穴吹籟移網轉機化職自行群魔東形鬼精滅爽迴屍起死白骨成人太一之福滅而更生至學之士誦之十過則五帝仗鉞三元命攝太一乘車周

臨八境福從氣行萬道克先斷除不祥災懼播遷魔鬼掃迹幽爽升仙君德所加慶熙億年神威無方位居網前疾病無死過而能全所以爾者學士候氣待時太一命真以制十方威攝萬天伏御地祇東縛魔靈辟災却死脫難就生太一神文變化回靈經誦此章身則被殃供養尊禮門戶興隆世世昌熾與善因緣萬災不干太一守門斯經尊妙獨步玉京度人無量為萬道之宗巍巍大乾德難可勝

道言凡誦是經十過當知太一神變之道夫三元二十七宮天元人元地元三部各有太一真君主之隨九氣九星九宮之色各以定世之禍福濟時衛世護國保君使帝壽永隆天象共泰乃太一之玄功

天之九宮北帝居東北遊樞東育生東南望黎南朱陵西南女房西皓清西北虛微中黃靈其太一曰古蒼竹享冥由紫儀九首白旗定嘉連吉兵四

人之九宮北道宮東北吐魂東舉兒東南鬼

都南火山西南虎身西龍女西北乾父中福堂其太一曰長生帝康伯輪臣奔玄圖九枝丹精七甲人母

地之九宮北宮室東北蒼提東玄青東南宜明南赤兵西南將印西伏微西北道京中晉登其太一曰玄虎綠齒披髮九身青蛇白蒙血噬獨奴孟錡三元之隱名與世所稱異其道甚秘中宮五福之屍土神之精上為天皇中為太一下為玄一在學道者身為帝所而恩之為玄一得其道者以一為萬以為萬為一通變化知生根壽而不死長生仙也

五土之氣為帝主福故四十五年而遷其室居北者九年而遷居西南者十八年而遷居東者二十七年而遷居東南者三十六年而遷居西者六十二年而遷居東北者七十二

年而遷居南者八十一年而遷遷不肯逆下無臨制上無刑剋則災害不生日享太平或履非其位過非其時上下不相得則隨官為靈其災皆亦繫道德之所致也能誦是經則太一回旗使者執節召福致氣不戰而勝兵

道大利吉歸帝尊與天齊年太一神變難可  
詳知太一者三元之貴神以福人君者也其  
變無常知之壽無紀極道德來備太一之氣  
朝變為慶雲中變為重輪暮變為流星光  
夜流又餘者是也見之焚香誦經以迎其福

坐致天祿得為神仙遊宴飛升自然得道雲  
如弁士者五福在北也雲如飛龍者太一在  
東也雲如舟魚者太一在南也雲如旗常者  
太一在西也雲如繖蓋者太一在中也雲如  
遊女者太一在東北也雲如火炬者太一在  
東南也雲如丘隴者太一在西南也雲如戈  
矛介士者太一在西也雲如輅車者太一在  
西北也上學之士不以道俗望雲燒香誦經  
十過太一降九官騎吏護國安人福慶普賴  
皆即受度長生神仙太一真君護國帝王保  
安人民有知太一總臨萬天近居一身則億  
曾萬祖幽魂苦爽皆悉受度上升朱宮格皆  
九年受化更生得為貴人身自受誦心誠意  
解則延壽長年後皆得作尸解之道魂神暫  
滅不經地獄即得返形遊行太空此經微妙

普度無窮太一神變天人受度無量之福生  
死蒙惠上天所寶不傳下世至士齋金寶放  
心盟天而傳輕泄漏慢殃及九祖長役鬼官  
侍經五帝王童玉女各二十四人營衛神文  
保護受經者身

道言正月長齋誦詠是經迎上元太一真君  
從官將吏九官大神為上世亡魂斷地逮役  
兵刑殞命度上南宮七月長齋誦詠是經迎  
中元太一真君從官將吏九官大神消兵却  
火三甫帝王福吏人民身得神仙諸天書名  
黃籙白簡削死上生十月長齋誦詠是經迎  
下元太一真君從官將吏九官大神為國王  
帝主權解五兵寧鎮八方盜賊喪形姦究不  
生君臣父子安鎮國祚保天長存世世不絕  
常為人君安鎮其方人樂太平八節之日誦  
詠是經奉迎五福太一真君入居中宮得為  
九官真人本命之日誦詠是經迎三元太一  
真君入居命局降福兆身魂神澄正萬氣長  
存不經苦惱身有光明三界侍衛五帝司迎  
萬神朝禮名書上天功滿德就飛升上清

道言行道之日皆當香湯沐浴齋戒入室  
東向叩齒三十二通上關三十二天心拜  
三十二過關目靜思身坐青黃白三色雲  
氣之中內外翳冥像見十方太一各乘本  
宮布氣天內有青龍白虎朱雀玄武獅子

白鶴羅列左右日月照明洞煥室內項生  
圓象光映十方如此分明密呪曰  
无上玄元太上道君召出臣身中三五功曹  
左右官使者侍者玉童傳言玉女五帝直符  
直日香官各三十二人開啓所言今日吉慶  
長齋清堂修行至經无量度人願所啓上徹  
徑御  
无上三十二天元始上帝至尊凡前  
引悉三十二過東向誦經  
元始无量度人上品妙經  
元始洞玄靈寶本章太一神變五福度人三  
元隱顯離合自然混黃窈窕無門無傍朗朗  
太空道氣無方八十一劫遼廓無光混沌胞  
胎不從陰陽忽生至神強名太一乘駕黃龍

1101140



手把天綱狀玉嬰兒丹錦綠裳回旋左右真  
正八鄉萬靈伏從莫有敢當太一大神是為  
天根時遊玉清上聖之身泥丸九宮下生萬  
天及以人民各有知識分別種倫分形萬物  
居人腦官是為明覺一真大神上居太微中  
安福庭下此九宮為帝之賓太一生誕元始  
同真上無復祖惟道為身一既植立天地乃  
凝無一不光無一不明無一不立無一不成  
無一不度無一不生是為大梵天中之天太  
一真形遊步玉京上極無上大羅玉清眇眇  
劫仞若亡若存乘道之精三元布宮以九為  
程太一御之垂福弭兵與道同遷元始俱生  
動靜消息進退暖明前有金闕後有玉房東  
淨西靈太一經行支演梵炁周迴十方中有  
三元九圖之神中有玉局行算之君中有易  
度遷室之神中有揚旗望歲赤幘直符丈人  
中有太一前驅後部八殺五福六氣九虛尊  
神迴斂起死无量度人今日校錄諸天臨軒  
東方无極三元九宮太一真皇長生大聖无  
量度人

南方无極三元九宮太一真皇長生大聖无  
量度人  
西方无極三元九宮太一真皇長生大聖无  
量度人  
北方无極三元九宮太一真皇長生大聖无  
量度人  
東北无極三元九宮太一真皇長生大聖无  
量度人  
東南无極三元九宮太一真皇長生大聖无  
量度人  
西南无極三元九宮太一真皇長生大聖无  
量度人  
西北无極三元九宮太一真皇長生大聖无  
量度人  
上方无極三元九宮太一真皇長生大聖无  
量度人  
下方无極三元九宮太一真皇長生大聖无  
量度人  
十方至真太一真皇長生度世无量大神並  
乘碧霞紫白交雲流光照空丹敷綠輿蚪輪

鳳翽羽髮朱絃蔭映搖曳駉駕九色巨天神  
歌玉宸編歛之龍建青髦之節七曜洞神靈  
禧前嘯九歌齊唱後吹八音同鳴天馬辟邪  
鼓舞躑躅鸞鶴鳴集囉囉六甲啟途王  
女扶轅億乘萬騎浮空而來傾先回駕御運  
度生太一直符三元九宮布策推局招搖大  
神天目飛鳥撥氣推時下臨方外福禍應期  
執籙把籍齊到帝前隨所應度嚴枝諸天普  
告三界九維八極二十八分所臨邦國兵饑  
水旱暴卒癘疫祥瑞福應君壽道德合符下  
上剋制所經三官九府十二河源陰陽氣局  
內外一千二百度運天界人域主治福禍下  
逮生民祖考億劫種福會所臨太一降氣  
幽爽蒙度冥泉發光疾除罪薄落滅惡根不  
得拘留逼合鬼群太一符命時刻升遷迎氣  
修誦升壇叩靈以祈福應雖植災官所臨之  
國至信祈禳則三官鳴軫太一回輓災變為  
福享國太平帝壽億年世人命曆所加當為  
災害依法祈請天光映身及世長生太一紫  
宮福及天人至有滅化在貴福之分則北都

寒池部衛形魂制魔保舉度品南宮死魂受鍊仙化成人身身受度劫劫長存隨圖輪轉御代直年有知其神身為仙真永度三災四殺五鬼六害七傷八難九厄超凌三界道遠上清上清之天天帝玉真無色之境梵行

東方八天

太一所行九宮三十二天九色之氣隨宮灌之三十二天亦九宮之分太一所臨制也學者存思服天氣避害迎福真氣下降太一來應可致神仙有天下者依為福之

天以祈請奏告神機立應

- 羽真洞無天 帝善契淵空
- 元渚流棋天 帝降流明蟄
- 紫度九宮天 帝華定膺
- 太玄步氣天 帝覺除溢生
- 玉籍儲福天 帝洞浮左巖
- 至元增妙天 帝律用偵侯
- 和陽寶圖天 帝覺錫自逾
- 起明昭韞天 帝了香忘都
- 南方八天

赤殃飛遊天 震寂曜靈天 洛玄遊氣天

帝勃監和蒼 帝論堂地元 帝奕敷權

實羅梵摩天 明丞滋狂天 孟論謹正天

帝保昌延 帝朱浚夜捐 帝平堂淵

道義沖真天 覺無真理天 道謀重靈天

帝鬱藍僊 帝辨丘夷默 帝龍曜弗尼

河都慕貳天 九道或微天 誠除盈真天

帝漸子疇 帝祿旗通 帝會家無

僊首理混天 福會域遐天 北方八天

帝翹羅鼎光 帝毗遵棋玄

玄墟撩幽天 了止極庸天

帝彭羅孫 帝妙陀輪

正一天師清微弟子洪百堅製作

無極景明天 極真洞無天 普拯神牛天 密宿樞微天 鬼室於懸天

帝龍首部玄 帝超定利元 帝斗真義玄 帝耀真明 帝蔚頭棋翻

兆宗永平天 三十二天三十二帝諸天隱諱諸天隱名太

一空洞自然靈章太一隱韻太一神音太一之尊太一之神太一之真太一之諱太一之靈九官十方變化上清无量之奧深不可詳

數落神真運臨天人今日欣慶推測歷布諸闕返凶成吉斬絕世根出死入生面禮玉君

飛度七政回旋太玄歲直奉書請制天門東斗左扶西斗右攜北斗正樞南斗轉機中斗

天蓋太一內行青帝執符白帝持兵赤帝行令黑帝攝精黃帝統運萬里前征青天直使

仗鐵揚魔赤天直使太一回旗白天直使干城積屍黑天直使奉衛咸池黃天直使五福大岐五天直使太一為宗總領丁甲咬魔飲風玄轟嘯憤與兵齊攻羗道小醜敢肆驕庸

1140

斗標轉式玉圖改封萬福合帝利勝無凶天  
騎在前飛騎浮空六道擲火四天檢蹤護國  
佐時太一神公首建日月手把金鐘身御黃  
甲駕十飛龍所向無前風火迭衝五福來下  
紫煙蔚矇仙雲覆闕三元攝從兵殺不祥悉  
付北鄙故氣翹天乘氣藏容陰與災會民病  
殘廢不得容蔭金馬驛通善告無窮萬神咸  
聽三界五帝列言上清

无極至空龍變神移太一道祖萬生所資天  
地輔成中運妙微太一受靈日月同飛眇眇  
億劫混沌之中神靜氣凝布植九宮九宮為  
一一為九宮九一之道太一之宗數行去還  
真氣如龍太一來御三元律同包裹動植玉  
都玲瓏外纏剛風混沌之中上無為色下無  
為空太一執綏儼侍玉童一鼓再鼓為水為  
風一接再接天基指東為道聰明庶彙熙融  
太一入玄九氣開天天上天下無幽無冥無  
形無影無極無窮溟滓大梵蓮廓無光太一  
神變運度自然丹履九野布基紀年太一神  
氣結為靈篇玄識玉層虎書龍文保制劫運

使天長存梵氣彌羅萬範開張圓機流演三  
十二天輪轉九宮周迴十方旋子過中回度  
八門二十八舍總氣上元八景冥合氣入玄  
玄玄中太一上帝高尊法斗倚魁天皇勾陳  
九宮十精玉緯金經神風隨軒輔翼萬仙千  
和萬合天地同鈞一真大神太一之尊上登  
泰階啓謁大君羽林導前叩鼓鳴鐃遏斬鬼  
種係命生根上游上清出入三元八冥之內  
細微之中下鎮人身泥九絳宮中理五氣運  
行萬神十轉迴靈萬氣齊仙仙道貴生太一  
度人上開八門天地為輪罪福禁戒宿命因  
緣普受開度死道生身身受生上運諸天  
諸天之上各有生門中有空洞謠歌之章太  
一靈篇辭峯高真

太臨明堂兮襟滿郊畿 阿人排紫室兮傾光彫  
第二中元九宮太一真君之章  
我推天策 福在帝室 萬國歸命  
車文混一 昭昭大星 非非紫光  
中纏紫宸 下臨玉房 爾神毛頭  
爾兵阿傍 太一合符 乘魁履剛  
飲馬綠芻 脂車極箱 不障而功  
太一真方 金童仗旛 玉女捧漿  
卜禪酌誠 五福湯湯 壽我帝尊  
來天百祥 民人樂歌 時維平康  
雲飛碧茫 珠露玄霜 瑞吞普天  
我道其昌

第三上元九宮太一真君之歌  
我乘脩蛇 冠帶雲霞 入經天衢  
出遊帝家 龍旗所指 萬物光華  
太一之氣 喜盈福奢 臨衛帝堂  
靈耀斯煌 誦我玉書 五帝燔香  
三界稽首 西母傳觴 鳳圖億千  
龍壽無疆 我征青輅 八風來朝  
望拜太一 錦衣翠袍 壇雲四迴



拊石鳴雷 薦我甘華 黃縷百枚

天聲杳遐 振響琳琅 左顧紫微

右扶玉璫 轉我斗樞 萬寶盈倉

降福洋洋 含官咀商

此三元之上九宮之中太一歌音音參洞章

誦之百遍可免三災誦之千遍太一保迎萬

編道備隱淪太空知一所止位登仙翁有聞

靈音魔鬼滅形粉剝地祇侍衛送迎拔出地

戶五苦八難身世利運永離三官名籍太一

列侍帝軒是謂無量普度無窮有秘上天文

諸天共所崇泄慢墮地獄禍及七祖翁

道言此洞章並是諸天上帝及三元九宮十

神八奇六隱五真四門二曜一元太一隱秘

之音皆是玉局迴度轉凶為吉改禍致福之

辭言無韻麗曲無華究故謂玄奧難可尋詳

上天所寶秘於玄都太一三元紫宮依玄科

四萬劫一傳若有至人齋金寶質心依舊格

告盟十天然後而付焉

道言夫天地運度將臨否終則太一真君神

變以應之則為神馬肉鬣一角赤色出汲於

海中日月五星將有虧盈則太一真君神變

以應之則為女巫負瑟以遊唐肆至聖神人

將有休否則太一真君神變以應之則為黑

氣橫貫東西紫霜者木大風摧拉飄注鷲暴

以應之末學之夫將有疾傷則太一真君神

變以應之夢為血尸死亡兵救疾雷墮崖落

河以應之凡有此災使其神變同氣皆當齊

心修齋六時行道十遍轉經福德立降或過

太一下遊近逢禮請必得長生神仙秘道隨

時所遇善意察之勿違其神則保大亨之正

無量之文普度無窮

道言夫末學道淺或仙品未充運應滅度身

經太陰臨過之時太一主尸真君下而應之

以示神變或為白鶴飛來龜蛇並出或疾風

忽至天地晦冥禽獸悲鳴白虹貫日山林改

色仙夢殊徵則太一守尸三官錄魂九老攝

氣一周甲子送生還形同學至人為其行香

誦經十過以度尸形如法魂神還上南宮隨

其學功計日而得更生轉輪不惑便得神仙

道言夫天地運終亦當修齋行香誦經星宿

錯度日月失昏亦當修齋行香誦經四時失

度陰陽不調亦當修齋行香誦經夷戎寇境

軍事暴行亦當修齋行香誦經疫毒流行北

民死傷亦當修齋行香誦經師友命過亦當

修齋行香誦經夫齋戒誦經功德甚重上消

天災保鎮帝王下穰毒害以度兆民生死受

賴其福難勝故曰无量普度天人

道言凡有是經能知太一神變護國攘兵之

道能為天地帝主兆民行是功德有災之日

發心修齋燒香誦經十過皆諸天記名萬神

侍衛右列至人剋得為聖君金闕之臣諸天

記人功過毫分無失天中九宮大神亦保舉

爾身得道者乃當洞明至言也

諸天中大梵隱語无量音

太一神變護國攘兵玉篇

東方七天

吉洛慶持 迷漏乙施 漳陀寒江

並庚殊離 乾曠蔚宛 紫軟由幾

贊華穴利 黎紉淵宜 越重回多

韓司冥河 洞寂玄若 綠景曜羅

池盟演樞 文竟幽歌

南方七天

尾丹曰途 館丁孝慮 帝契浩都

綿多英瑜 颯盈冲游 微氣白孤

道散上京 獄獄察魁 昌陽健區

堯覓先舒 音定法輔 天琳紅腴

治無攝緒 九真嘯圖

西方七天

蘭濤後商 胃池希陽 散率鬼都

荀侯軟符 浪澤寒渚 斗司高蘇

正辨夷直 像遠煙濡 卦說琅璇

奇洞輔皇 邈初景章 鬼泉醜藏

銜娘適漢 合神郁蒼

北方七天

魚錄海定 扶壽彌華 安膚秋玄

智洪億霞 混元逸隸 光通濛嘉

珪召神鍊 書羅芒搖 黑獸額元

赤龍龍表 壽鏡寶除 支方謨宣

費益華雲 神瑛奏環

道言太一神變氣行二十八天天氣布流九

宮此諸天九宮中大梵隱語无量之言舊文

刻書太微風館青壁之上字皆廣長一丈天

真皇人昔書其文以為正音有知其音能齋

而誦之者諸天皆遣飛天神王下觀其身書

其功勤上奏諸天萬神朝禮地祇侍門大敷

三元保舉太一道備剋得遊行三界升入金

門

此音無所不辟無所不穰無所不度無所不

成太一天真自然之音也故誦之致飛天下

觀太一逸應萬神朝禮三界侍軒群袂束首

鬼精自亡琳琅振響十方肅清天輪高映萬

象懸明海光湛徹穴凝煙萬國振伏稽顙

帝前兵道自勝神勇自然冥慧洞清大量玄

玄也

元始无量度人上品妙經卷之六

靈寶无量度人上品妙經卷之七 天七

顯瑞符應品

道言昔於大丹天中洞陽幽窈赤精境上受

元始度人顯瑞符應上品元始天尊當說是

經周迴十過以召十方始當詣座顯化大神

主瑞靈尊符應真人無鞅數衆乘空而來泛

氣紫霄瑤瓊瓊琅與華蓋垂陰金碧交光飛雲

蔚藹朗耀大虛九日九夜元綱天輪慶煙高

浮七曜凝輝坤靈發祥三元肅靜四炁澄清

諸天寶闕瓊樓瑞霞照映皆現八會真文洞

煥上宮無有異色衆真侍座元始天尊玄坐

空浮五色寶山之上說經一徧諸天列聖同

時稱善俄有丹鳳黃龍來告升平說經二徧

大地山川七寶湧出說經三徧渺景陰華光

結重輪說經四徧天市太微皆現景星說經

五徧瑤華滿空慶雲四飛說經六徧甘露凝

珠潤澤一切說經七徧城闕臺觀玉芝羅生

說經八徧靈書敷陳真符下降說經九徧天

授玄圖帝膺寶籙說經十徧人民康樂普受

百福草木昆蟲咸均至化是時一國是男是